



錢筒仔

人講：「勤儉較有底，浪費不成家。」阮從細漢父母就不時按呢教示阮。佇往擺的農村，作穡人跤手攏真欠缺，差不多入小學開始，阮就有機會通做囡仔工，會當趁錢做所費。桃仔內有大伯、二伯恰阿爸。過桃的有大叔、二叔恰三叔。前後兩棟正身護龍，全款三兄弟、全款攏作穡。大人會派工課予阮做，囡仔人有伴就歡喜，閣有錢通趁，逐家嘛攏興 tshih-tshih。無論薺草、擘甘蔗箬、洗蔥、挽菊花，托洛神花，攏做甲真骨力。囡仔人有錢通趁，序大人就用心計較，愛囡仔共錢儉起來。

儉錢就袂當無錢筒仔。阿玲的錢筒仔是一隻透明的塑膠豬公，腹肚內有佑濟財產清清楚楚，逐擺遠遠聽著賣 pā-pu 的聲，伊就擋袂牢。豬公摺咧，提一枝箸拚性命挖。阿芬的錢筒仔是瓷仔做的『大同寶寶』，跤底會落財，所以永遠都食袂飽。阿美的錢筒仔是囡阿母，錢儉入去就領袂出來，見擺逐家買四秀仔，伊干焦會當吞喙瀾，定定怨嘆個阿母親像軟血的牛蠅。我的錢筒仔是阿爸去鋸的竹管，頂節留兩寸長，鑽空掛佇壁頂，竹管頂鋸一逝縫橐錢。我真拍拚做工、趁來的一仙五厘攏儉起來，三五月日就共一管錢筒仔貯甲湏滿滿。

阿爸夯柴刀將錢筒仔破做片，所有的銀角仔親像放出籠的鳥仔，行東往西砢砢輾。我十個十個那疊那算，親像有金山銀山的好額人遐爾歡喜，一遍閣一遍仙算嘛袂瘡。拈幾箍銀起來買四秀仔慰勞家己，賭的攏提予阿母去農會寄。新的錢筒仔又閣開始陪我招財進寶。

阿爸上愛四界展風神講：「阮阿如上愛讀冊，學費攏伊家己趁的，伊儉錢欲讀甲博士博。」逐個阿叔、阿伯嘛攏贊聲掛保證：「三歲牢皮、五歲牢骨，咱阿如毋但勢讀冊，做工課嘛是削削叫，後擺一定是狀元才。」就按呢我誠拚勢，儉錢、讀冊攏欲搶第一。錢筒仔貯滿一個閣一個，獎狀領過一張閣一張。佇我的記持內底，嘛儉著序大予我濟濟的牽教恰肯定，彼是我上蓋價值的私奇，予我感覺家己的人生是遮爾仔好額。

作者：林桂鄉

☆詞彙學習☆

【往擺】íng-pái：以前、早先。

【囡仔工】gín-á-kang：年齡幼小的勞動者、童工。

【桃仔內】thiāu-á-lāi：宗親。同宗族的親屬。

【牛蠅】gû-pi：形容吝嗇的人，就像牛蠅吸血一樣只有進沒有出。

【橐】lok：將某物裝入某袋類之中。

【寄】kià：委託、存放。

【展風神】tián-hong-sîn：炫耀、誇耀。

【贊聲】tsàn-siann：敲邊鼓、聲援。

【削削叫】siah-siah-kiò：呱呱叫。形容人做事乾淨俐落。

【拚勢】piànn-sè：拚命。做事情很努力、不計一切。